



Bosna i Hercegovina  
Federacija Bosne i Hercegovine  
**Kantonalno tužilaštvo**  
**Kantona Sarajevo**

Broj: T09 0 KT 0189407 23

**PRITVOR**

Sarajevo, 15.04.2024. godine

**KANTONALNOM SUDU U SARAJEVU**  
**sudiji za prethodno saslušanje-**  
**SARAJEVO**

Na osnovu člana 45. stav 2. tačka i), člana 241. stav 1. ZKP F BiH, p o d i ž e m:

**O P T U Ź N I C U**

**Protiv:**

- 1. EL OWEITI ABDEL MAJID**, rođen 2004. godine, državljanin Kraljevine Švedske, nastanjen ....., sa putnom ispravom Pasošem Kraljevine Švedske, broj: ....., JMBG: ....., NK radnik, nezaposlen, neoženjen, nema djece, završena osnovna škola, nije služio vojni rok, nema čin rezervnog vojnog starješine, ne vodi se u vojnoj evidenciji, osuđivan presudom prvostepenog suda Malmo Odjel 3, Jedinica 306 B, broj: B 9222/21 od dana 24.02.2022. godine- zločin narkotici i prekršaj narkotici, presudom prvostepenog suda Malmo, Odjel 1, Jedinica 104 B, broj: B 139/21 od dana 22.01.2021. godine - prekršaji narkotici- briga o mladima, isti je upozoren na kaznu dana 07.07.2020. godine za prekršaj narkotici dva puta i to 07.07.2020. godine i 24.02.2020. godine, **lišen slobode od strane policijskih službenika Ministarstva unutrašnjih poslova Republike Srpske, PU Istočno Sarajevo, Jedinica žandarmerije Pale po Potvrdi o lišenju slobode broj: ..... od 01.11.2023. godine u 10,55 časova, predat policijskim službenicima Ministarstva unutrašnjih poslova Kantona Sarajevo dana 01.11.2023. godine po Potvrdi o predaji lica lišenog slobode broj: ..... od 01.11.2023. godine u 10,55 časova, a predat Kantonalnom tužiocu Kantonalnog tužilaštva Kantona Sarajevo od strane policijskih službenika MUP KS, Sektor kriminalističke policije, Odjeljenja za krvne, seksualne delikte i ratne zločine Sarajevo po Zapisniku o predaji osobe lišene slobode nadležnom tužiocu broj: ..... od 01.11.2023. godine, dana 01.11.2023. godine u 19,45 časova, nalazi se u pritvoru po Rješenju Kantonalnog suda u Sarajevu broj: ..... od dana 03.11.2023. godine, Rješenju o produženju mjere pritvora Kantonalnog suda u Sarajevu broj: ..... od dana 30.11.2023. godine, Rješenju o produženju mjere pritvora Kantonalnog suda u Sarajevu broj: ..... od dana 18.01.2024. godine i Rješenju o produženju mjere pritvora Kantonalnog suda u Sarajevu broj: ..... od dana 26.01.2024. godine, a koji pritvor po ovom Rješenju može trajati do 26.04.2024. godine ili do nove odluke Suda.**

2. **HEDBERG OLIVER PETER**, rođen 1997. godine, državljanin Kraljevine Švedske, nastanjen u ....., bez zanimanja i zaposlena, neoženjen, nema djece, završena SSS, sa putnom ispravom pasošem broj ....., JMBG: ....., nije služio vojni rok, nema čin rezervnog vojnog starješine, ne vodi se u vojnoj evidenciji, osuđivan presudom prvostepenog suda Kalmar, Odjel 1 broj: B 3473/19 od dana 31.01.2020. godine zbog zločina narkotici, presudom prvostepenog suda Kalmar Odjel 2 broj: B 2598/17 od dana 18.10.2018. godine, zbog izjave probacionog organa, manji prekršaj narkotički i to 3 slučaja u periodu od 25.07.2017. godine do 09.11.2017. godine, prekršaj sa narkoticima, kršenje prometnih propisa, prekršaj Zakona o registru prometa na cestama, protuzakonita vožnja, kršenje propisa o evidencijama prometa na cestama, presudom Kalmar ak (207 a) broj: AM-61383-17-1 od dana 16.06.2017. godine za protuzakonitu vožnju, presudom Kalmar ak (207A) broj: AM-30714-17-1 od dana 28.03.2017. godine za prekršaj sa narkoticima, presudom Kalmar ak (207 A) broj: AM-42143-16-1 od dana 25.04.2016. godine za prekršaj narkoticima, lišen slobode od strane policijskih službenika Ministarstva unutrašnjih poslova Republike Srpske, PS Sokolac po Zapisniku o lišenju slobode broj: ..... od 31.10.2023. godine u 19,20 časova, predat policijskim službenicima Ministarstva unutrašnjih poslova Kantona Sarajevu dana 31.10.2023. godine po Potvrdi o predaji lica lišenog slobode broj: ..... od 31.10.2023. godine u 19,20 časova, a predat Kantonalnom tužiocu Kantonalnog tužilaštva Kantona Sarajevo od strane policijskih službenika MUP KS, Sektor kriminalističke policije, Odjeljenja za krvne, seksualne delikte i ratne zločine Sarajevo po Zapisniku o predaji osobe lišene slobode nadležnom tužiocu broj: ..... od 01.11.2023. godine, dana 01.11.2023. godine u 19,05 časova, nalazi se u pritvoru po Rješenju Kantonalnog suda u Sarajevu broj: ..... od dana 03.11.2023. godine, Rješenju o produženju mjere pritvora Kantonalnog suda u Sarajevu broj: ..... od dana 30.11.2023. godine, Rješenju o produženju mjere pritvora Kantonalnog suda u Sarajevu broj: ..... od dana 18.01.2024. godine i Rješenju o produženju mjere pritvora Kantonalnog suda u Sarajevu broj: ..... od dana 26.01.2024. godine, a koji pritvor po ovom Rješenju može trajati do 26.04.2024. godine ili do nove odluke Suda.
3. **KONRAD TYLUS**, rođen 2004. godine, nastanjen u ulici ....., državljanin Kraljevine Švedske, sa putnom ispravom Kraljevine Švedske broj ....., JMB: ....., bez zanimanja i zaposlenja, neoženjen, nema djece, završena osnovna škola, nije služio vojni rok, nema čin rezervnog vojnog starješine, ne vodi se u vojnoj evidenciji, osuđivan presudom Prvostepenog suda Sodertorns Odjel 6 broj: B 7895/23 od dana 25.10.2023.

godine zbog krivičnog djela prevare, presudom prvostepenog suda Stockholms Odjel 2 broj: B 3959/23 od dana 20.04.2023. godine – narkotici na robnu kaznu, presudom prvostepenog suda Stockholms Odjel 2 broj: B 10646/22 od dana 22.07.2022. godine- narkotici manji prekršaj, presudom prvostepenog suda Stockholms Odjel 6 broj: B 18274/21 od dana 08.12.2021. godine- narkotici manji prekršaj u 2 slučaja u periodu od 30.07.2021. godine do 13.09.2021. godine, **lišen slobode od strane policijskih službenika Ministarstva unutrašnjih poslova Republike Srpske, PU Istočno Sarajevo, Jedinica žandarmerije Pale po Potvrdi o lišenju slobode broj: ..... od 01.11.2023. godine u 11,15 časova, predat policijskim službenicima Ministarstva unutrašnjih poslova Kantona Sarajevu dana 01.11.2023. godine po Potvrdi o predaji lica lišenog slobode broj: ..... od 01.11.2023. godine u 11,15 časova, a predat Kantonalnom tužiocu Kantonalnog tužilaštva Kantona Sarajevo od strane policijskih službenika MUP KS, Sektor kriminalističke policije, Odjeljenja za krvne, seksualne delikte i ratne zločine Sarajevo po Zapisniku o predaji osobe lišene slobode nadležnom tužiocu broj: ..... od 01.11.2023. godine, dana 01.11.2023. godine u 20,15 časova, nalazi se u pritvoru po Rješenju Kantonalnog suda u Sarajevu broj: ..... od dana 03.11.2023. godine, Rješenju o produženju mjere pritvora Kantonalnog suda u Sarajevu broj: ..... od dana 30.11.2023. godine, Rješenju o produženju mjere pritvora Kantonalnog suda u Sarajevu broj: ..... od dana 18.01.2024. godine i Rješenju o produženju mjere pritvora Kantonalnog suda u Sarajevu broj: ..... od dana 26.01.2024. godine, a koji pritvor po ovom Rješenju može trajati do 26.04.2024. godine ili do nove odluke Suda.**

### Što su:

Dana 31.10.2023. godine oko 16,25 časova, u Sarajevu, općina Ilidža, nakon što su po prethodnom dogovoru, u namjeri da liše života H.L.O. i E.M., državljane Kraljevine Švedske, iz Istanbula, država Turska, došli na teritoriju države Bosne i Hercegovine i to Hedberg Oliver Peter dana 25.10.2023. godine, Konrad Tylus dana 29.10.2023. godine i Abdel Majid El Oweiti dana 30.10.2023. godine, nakon čega je Hedberg Oliver Peter dana 26.10.2023. godine iznajmio stan u ulici Radomira Putnika ....., Istočno Sarajevo, a potom tražio još jedan stan rekavši da mu treba za dva prijatelja, pa je tako isti, dana 29.10.2023. godine, zajedno sa Konrad Tylusom i NN licem, iznajmio još jedan stan u istoj zgradi, da bi u međuvremenu dana 26.10.2023. godine, Hedberg Oliver Peter od pravnog lica „.....“ d.o.o. Sarajevo, u ulici ..... broj ....., općina Ilidža, iznajmio putničko motorno vozilo marke „Škoda“, tip „.....“, registarskih oznaka ....., koje je korišteno prilikom izvršenja krivičnih djela, a zatim dana 30.10.2023. godine, oko 15,40 sati, u prodajnom objektu „.....“, u ulici

Vrbanja broj 1, općina Centar, Oliver Peter Hedberg sa NN licem izvršio kupovinu odjeće i to: dva kačketa, dva donja dijela trenerke, dvije dukserice sa bijelim prugama na rukavu i crnu torbu i dana 31.10.2023. godine, pod imenom I.D., državljanin Kraljevine Švedske, kupio električno biciklo u prostorijama firme „.....“ d.o.o., ulica ....., općina Novi Grad Sarajevo, dok su vatreno oružje – automat model „Ero“, fabričkog broja: ....., sa prigušivačem, nabavili na neutvrđen način, pa su tako Hedberg Oliver Peter, Abdel Majid El Oweiti i Konrad Tylus, svjesni da će pucanjem iz vatrenog oružja lišiti života H.L.O. i E.M., što su i htjeli, sa prethodno iznajmljenim vozilom, u čijem se prtljažniku nalazilo prethodno kupljeno električno biciklo, pristupili neposredno ispred stambeno-poslovne zgrade, u naselju Bulevar, u ulici ....., općina Ilidža, u kojoj je H.L.O. imao boravište, kojom prilikom je Hedberg Olivera Peter upravljao putničkim motornim vozilom i nakon što je isto parkirao, iz prtljažnika vozila izvadio električno biciklo, nakon čega su El Oweiti Abdel Majid i Konrad Tylus sjeli na biciklo i to tako što je Konrad Tylus istim upravljao i potom se, maskirani sa kapuljačama, kačketima i hirurškim maskama, približili u neposrednu blizinu ulaznih vrata poslovnih prostorija Marketa „.....“ d.o.o., PJ broj ....., locirane u ulici Džemala Bijedića ....., općina Ilidža smještene u prizemnom dijelu stambeno-poslovne zgrade u naselju “Bulevar”, ispred kojeg objekta su se nalazili H.L.O. i E.M., da bi zatim Konrad Tylus na udaljenosti od njih par metara, smanjio brzinu kretanja bicikla, a El Oweiti Abdel Majid iz vatrenog oružja – automata koje su ponijeli sa sobom, ispalio više hitaca u pravcu H.L.O. i E.M., od kojih hitaca je H.L.O. pao na asfaltnu podlogu, a potom Konrad Tylus zaustavio biciklo, a El Oweiti Abdel Majid prišao H.L.O. i ponovno u istog ispalio više hitaca, ukupno cca 30 hitaca, od kojih hitaca je H.L.O. zadobio 26 strijelnih rana, i to: prostrijelne rane nosa, desnog ramena, grudnog koša, trbuha, desnog kuka, desne prepone, donjeg kvadranta trbuha, desne nadlaktice, desnog lakta, desne podlaktice, lijeve nadlaktice, ustrijelne rane vrata i glave, sa oštećenjem mišića vrata, kičmenog stuba, baze lobanje, moždanog mosta, tvrde moždanice, ustrijelne rane grudnog koša, trbuha, leđa i lijeve natkoljenice i strijelna okrznuća kože lijeve nadlaktice, kože desnog ramena i kože desne potkoljenice, od kojih višestrukih strijelnih rana isti odmah i preminuo, dok je E.M. zadobio lake tjelesne povrede u vidu prostrijelne rane desnog trbušnog zida, nakon čega su El Oweiti Abdel Majid i Konrad Tylus bježeći sa lica mjesta, krećući se iz pravca ulice Džemala Bijedića- naselje Bulevar, došli do ulice Latička ....., gdje su ostavili biciklo koje su koristili prilikom izvršenja krivičnih djela i u pomoćnom objektu na navedenoj adresi crnu torbu u kojoj se nalazilo vatreno oružje-automat, a potom dolaskom do kućnog broja ..... ulice Latička, u dvorištu porodične kuće vlasništvo S.M., ostavili jednu hiruršku masku, dok su gornji dio dukserice tamne boje i kačket-kapu tamne boje ostavili u unutrašnjosti pomoćnog objekta koji se nalazi u dvorištu navedene kuće, nakon čega su se na njima poznat način udaljili na područje Republike Srpske, gdje su na području opštine Pale dana

01.11.2023. godine, prilikom bjekstva lišeni slobode od strane policijskih službenika Ministarstva unutrašnjih poslova Republike Srpske, Policijska uprava Istočno Sarajevo, Policijska stanica Pale, dok se Hedberg Oliver Peter upravljajući putničkim motornim vozilom marke „Škoda“ tip „.....“ registarskih oznaka ....., udaljio na područje Republike Srpske, općine Sokolac, gdje je istog dana lišen slobode od strane policijskih službenika Ministarstva unutrašnjih poslova Republike Srpske, Policijska uprava Istočno Sarajevo, Policijska stanica Sokolac u mjesto Podromanija.

**Dakle**, kao saizvršioци usmrtili H.L.O. i pokušali usmrtiti E.M.

**Čime bi**, počinili krivično djelo ubistva iz člana 166. stav 1. Krivičnog zakona Federacije Bosne i Hercegovine i krivično djelo ubistvo u pokušaju iz člana 166. stav 1. u vezi sa članom 28. KZ FBiH, a sve u vezi sa članom 31. i 54. istog Zakona;

### **PRIJEDLOG ZA PRODUŽENJE MJERE PRITVORA**

**Predlažem da se na osnovu člana 151. ZKP-a F BiH prema osumnjičenim Abdel Majid El Oweiti, Oliver Peter Hedberg i Konrad Tylus produži mjera pritvora iz razloga propisanih odredbom člana 146. stav 1. tačke a), c) i d) ZKP-a F BiH.**

**KANTONALNA TUŽITELJICA**